

¡BOMBA!

Hasta pareció exabrupto,
mas en ley viene consigna:
que la vivienda sea digna,
sin Infonavit corrupto



K'intsil

Jueves 19 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2387 · www.lajornadamaya.mx

Ti' lalaj 30 máako'obe', juntúul táanxel kajili'; k'iimbessa'ab u k'iinil tu'ux ku k'a'ajsa'al u páajtalilo'ob



Efe / 39
Oochel Ap

U k'iimbessa'al u yutsil yéetel ba'axo'ob ku taal tu pach migracióné' leti' u chuunil te'el u k'iinil Día Internacional del Migrante, u jaatsil kaaj tu'ux oka'an juntúul ichil lalaj 30 máak ti' yóok'ol k'aab, je'el bix a'alanil tumen internacional múuch'kabil ku meyaj ti'al u yutsil políticas ku kaxtik ka úuchuk tsoola'abil, tu beel yéetel xma' sajbe'entsilil.

Le noj k'iina, k'aajsaab jo'okjeak miércoles, yéetel jets'aab tumen Asamblea General de Naciones Unidas tu ja'abil 2000 ti'al u chíikbessa'al talamilo'ob yéetel jela'an

ba'alo'ob ku yantal u máansik táanxel kaajil máako'ob, tumen yaan jejeláas ba'alo'ob ku chíikpajal je'el bix beyka'aj náajal taak'in yéetel geopolítica tak ba'alo'ob je'el bix u k'éexel tak u máan k'iin yóok'olal cambio climático.

Lela' jayp'éel xookolo'ob yéetel datos k'a'anan yóok'olal táanxel kaajil máako'ob, jch'a'ab ti' u tsoolil meyaj 2024 ti' u mola'ayil Organización Internacional para las Migraciones (OIM):

- U 3,6 % ti' u kaajil yóok'ol kaabe' kuxa'an ti' jump'éel noj lu'um yaanal ti'le tu'ux siijo'. Lelo' u k'aat u ya'alej kex 281 miyoonesil máak.

Ti' lelo'obo' 135 miyoonese' ko'olel, yéetel 146 miyoonesile' xiib.

- Le beyka'aj je'elo' ts'o'ok u ya'abtal 84 % ti' le ts'o'ok treinta ja'abo'ob.

- 10,1 % ti' le táanxel kaajilo'obo' paalal, lelo' kex 28 miyoonesil.

- Kex 8 mil 500 táanxel kajil máake' jkiim wa jsa'at tu ja'abil 2023 ka'alikil táan u kaxtik u bino'ob tak uláak' táanxel lu'um.

- Ichil ts'o'ok datos ojéelta'ane', kex 117.1 miyoonesil máak u máansik desplazamiento forzoso, yéetel ti' le je'elo'obo' 35.3 miyoonese' refugiados, beyxan 5.4 miyoonese' u k'aatmaj'o'ob asilo; 5.2 miyoonese' luk'a'an tu

lu'umil yéetel unaj u kaláanta'alo'ob (u ya'abile' venezolanos); yéetel 71.2 miyoonese', desplazartano'ob láayli' ichil u lu'umilo'obe'.

- India, México, China, Filipinas yéetel Egipto leti'e' lu'umo'ob tu'ux maas jach k'ama'ab remesas, tu'ux jach chíikpaj India yóok'ol u maasil'o'obe' tumen leti'e' yáax lu'um tu k'amaj maanal 100 mil miyoonesil dólares lalaj ja'ab.

- U bejil táanxel lu'umil máak yaan México tak Estados Unidos' leti'e' maas nojoch yaan yóok'ol kaab, tumen yaan kex 11 miyoonesil máak, ts'o'oke' tak walkila' tu paache' ti' yaan le ts'a'aban Siria tak Turquía.